

Timor
Dijital
2032

Timor Dijital 2032

Planu Estratéjiku Nasionál ba
Dezenvolvimentu Dijital no
TIK






Lidera husi TIC Timor, Institutu Públiku:

ÍNDISE

▪ <u>Prefásiu</u>	<u>2-3</u>
▪ <u>Primeiro Ministro Timor-Leste</u>	<u>2</u>
▪ <u>Ministru Prezidência Konsellu Ministros</u>	<u>3</u>
▪ <u>Diretor Ezekutivu husi TIC Timor</u>	<u>3</u>
▪ <u>Objetivu sira</u>	<u>4</u>
▪ <u>Vizaun</u>	<u>5</u>
▪ <u>Kuadru Estratêjiku</u>	<u>6-25</u>
▪ <u>Pilar Dijital Estratêjiku sira</u>	<u>8-13</u>
▪ <u>Pilar Fasilitadór sira</u>	<u>14-17</u>
▪ <u>Prinsípiu Estratêjiku sira</u>	<u>18-19</u>
▪ <u>Objetivu Estratêjiku sira</u>	<u>20-21</u>
▪ <u>Impaktu no benefísiu sira husi objetivu ida idak</u>	<u>22-25</u>
▪ <u>Kuadru Governativu husi Implementasaun</u>	<u>26-37</u>
▪ <u>Nível sira husi Governasaun</u>	<u>28</u>
▪ <u>Funsaun sira husi Ajénsia no Grupu Traballu sira</u>	<u>29-30</u>
▪ <u>Instrumentu Governativu sira</u>	<u>31</u>
▪ <u>Kronograma husi Implementasaun</u>	<u>32-33</u>
▪ <u>Rekomendasaun sira no hakat tuir mai</u>	<u>34-35</u>
▪ <u>Elementu sira ba Implementasaun ho Susesu</u>	<u>36-37</u>



PREFÁSIU

Primeiru-Ministru Timor-Leste

Sua Exelênsia, Taur Matan Ruak



Nu'udar Primeiru-Ministru Timor-Leste nian, tanba ha'u konsidera fundamentál atu harii nasaun katak iha estratêjia ida ba dezvoltamentu teknolojia dijital no informasaun no komunikasaun sira (TIK), ho laran haksolok ha'u fó sai katak Governu remata ona dezvoltamentu husi planu estratêjiku Timor Dijital 2032.

Iha sosiedade atuál, planu hotu-hotu ho hanoin atu hala'o dezvoltamentu nasional bele hetan benefisio husi oportunidade sira ne'ebé oferece husi dijitalizasaun no husi teknolojia informasaun no komunikasaun sira. Governu no área atividade umana hotu-hotu bele hetan benefisio husi oportunidade hirak ne'e. No ita hein katak teknolojia dijital no TIK nian sira bele hala'o nafatin kna'ar iha área hotu-hotu, hodi permite transformasaun ba atividade hotu-hotu sosiedade nian. Planu no aspirasaun ruma governu nian sira seidauk kompletu bainhira la konsidera impaktu, kontribuisaun, motivasaun no nesesidade atu dezvoltave teknolojia dijital no TIK sira.

Ho lideransa husi TIC Timor I.P. nian, Governu dezvoltave ona planu estratêjiku ida ne'ebé buka atu aproveita teknolojia dijital no TIK sira la'ós de'it atu hadi'a administrasaun no prestasaun servisu públiku sira no dezvoltave relasaun ida ne'ebé di'ak liután ho sidadaun sira, maibé mós atu dezvoltave área sira ne'ebé iha impaktu boot liu iha dezvoltamentu umanu no mós atu apoia kreximentu sosiál tomak. Vizaun Governu nian ba Timor Dijital iha 2032 mak atu dezvoltave sosiedade ida ne'ebé bele sai riku liután, hodi garante katak benefisio dijitalizasaun nian fó sai ba sidadaun hotu-hotu. Hein katak, teknolojia dijital no TIK sira sei sai hanesan mekanizmu ba prestasaun servisu públiku sira no haluan liután asesu ba merkadu, ba dezvoltamentu pesoál no ba oportunidade empregue nian sira ba sira ne'ebé sei karik tuir dalan seluk sei hetan eskruzaun. Aleinde ne'e, liu husi dijitalizasaun, Governu buka atu kapasita ninia sidadaun sira hodi partisipa iha política pública sira, hodi hatutan no fó valór ba nia rasik no ba sosiedade timoroan. Iha análise ikus nian, Timor Dijital 2032 sei fó dalan ba sidadania ida ne'ebé pruntu atu partisipa tomak iha ekonomia no sosiedade global no dijitalizada.

Susesu Timor Dijital 2032 ne'e nian sei depende nafatin ba prioridade política ida ne'e, hodi mantein aliñamentu ho prioridade sira dezvoltamentu Governu nian no mantein nafatin relevante ba nasaun. Tanba ne'e, parte interesada hotu-hotu tenke aliña metin ho planu estratêjiku ida ne'e atu asegura koordenasaun no kolaborasaun iha nível polítiku no implementasaun.

Tanba ne'e ha'u konvida ema hotu atu servisu hamutuk ba vizaun Governu nian kona-ba sosiedade dijital ida ba Timor-Leste no atu fó boas vindas ba Timor Dijital 2032.

Ministru Prezidência Konsellu Ministros

Sua Exelênsia, Fidelis Manuel Leite Magalhães



Impulsu atu Governu Timor-Leste (GoTL) desenvolve estratêjia nasional ida ne'e ba desenvolvimento teknolojia dijitál no TIK sira mosu husi programa Reforma Administrativa nian, ne'ebé identifika nesesidade atu planeia utilizaun teknolojia dijitál no TIK sira hodi hadi'a prestasaun servisu governamentál sira, hadi'a prosesu administrativu sira, hadi'a prosesu administrativu sira, hadi'a transparénsia, partisipasaun públika no inklusaun sosiál. Atu responde ba nesesidade ida ne'e, maka Governo desenvolve planu estratêjiku ba tinan sanulu: Timor Dijitál 2032. Planu estratêjiku ida-ne'e apresenta kuadru estratêjiku ida atu implementa digitalizasaun no TIK iha área sira ne'ebé iha impaktu boot liu ba Governu: prestasaun servisu, desenvolvimento umanu no desenvolvimento Timor-Leste nian nu'udar nasaun, hanesan governasaun, ekonomia, edukasaun, saúde no agrikultura, iha tempu hanesan, hodi permite adapta an durante implementasaun.

Planu estratêjiku kria mekanizmu ne'ebé sei permite koordinasaun seniór ida iha nível polítiku atu garante katak sei mantein relevante nafatin, nafatin prioridade husi Governu Timor-Leste no tuir prioridade no planu nasional sira desenvolvimento nian. Kria mós mekanizmu koordinasaun kona-ba implementasaun nian ne'ebé ita inklui partisipasaun husi sociedade sivil iha laboratóriu sira husi aselersaun no inovasaun no iha dezeńu ba servisu sira atu asegura governu ida ne'ebé haree liu ba sidadaun sira. Tanba razaun hirak ne'e hotu, ita prevee katak Timor Dijitál 2032 sei hetan susesu no sei marka inísiu faze foun ida iha prestasaun servisu governu nian ba Timor-Leste.

Diretór Ezekutivu husi TIC Timor no Prezidente husi Konsellu Administrasaun

Roberto Caetano De Sousa Vicente



Teknologjia dijitál no TIK sira apoia aspetu hotu-hotu husi governu no sociedade. Nu'udar ajénsia nasional husi TIK husi Timor-Leste, responsavel ba implementasaun estratêjia, política no desenvolvimento husi TIK sira, nune'e mós husi plataforma hirak ne'ebé presiza ba implementasaun Governu eletróniku, TIC Timor lidera desenvolvimento planu estratêjiku ida ne'ebé sei permite ba Timor-Leste atu utiliza teknolojia dijitál no informasaun no komunikaun atu hadi'a fúnionamentu internu governu nian, atu promove qualidade no alkanes husi prestasaun servisu governamentál sira, no, liuliu, desenvolve sociedade timor ida ne'ebé mak ekipadu di'ak liu ba futuru dijitál.

Aleinde lidera projetu Timor Dijitál 2032, TIC Timor servisu daudaun ona iha ninia preparasaun no implementasaun. TIC Timor servisu hela iha pilár hotu-hotu husi estratêjia no moderniza infraestrutura TIK governu nian, ho planu atu hadi'a rede informátika sira no sentru dadus governu nian sira. Daudaun ne'e, TIK Timor liga ona munisípiu hotu-hotu ba rede governamentál, estabelese prátika sira kona-ba siberseguransa fundamentál liu husi planeamentu no desenvolvimento Sentru Operasaun Siberseguransa Governu nian ida no Sentru Operasaun Rede sira nian, ne'ebé lansa ona Identifikasaun Dijitál Úniku (IDU) no Diresaun IDU nian, kria Ekpa Assessoria Dijitál ida, atu impulsiona elaborasaun lejislasaun, no servisu ho governu, no parseiru desenvolvimento no parseiru sira seluk atu atinje objetivu estratêjiku sira. TIK Timor pruntu ona atu fó apoiu ba Governu Timor-Leste iha implementasaun husi Timor Dijitál 2032 no atu ninia vizaun bele sai susesu ida.





OBJETIVU SIRA

Timor Dijital 2032 mak rezultadu husi Programa Reforma Administrasaun Públika Governu Konstitusionál da-VIII Timor-Leste nian no hanesan planu estratêjiku tinan sanulu nian atu dezenvolve teknolojia dijitál no TIK sira, haree liu ba ninia aplikasaun iha área krítika sira no ho impaktu boot liu iha dezenvolvimentu umanu no ekonómiku, hanesan prestasaun servisu governamentál – governu eletróniku/ dijitál, ekonomia inkluziva, saúde, edukasaun no agrikultura. Atu mantein ho prioridade sira dezenvolvimentu governu nian, planu estratêjiku ne'e prepara mós atu adapta no atu inklui área adisionál sira.

Objetivu husi planu estratêjiku ba tinan sanulu ne'e mak atu estabelese kuadru ida ne'ebé permite ba Timor-Leste hodi dezenvolve ho susesu teknolojia dijitál no TIK sira, ne'ebé haree liu ba nia aplikasaun iha área-xave sira: pilár estratêjiku dijitál sira; pilár fasilitadór sira (área hirak ne'ebé dezenvolve atu implementa, halo adosaun no kriaun valór sira ho susesu); no prinsípiu estratêjiku sira (prinsípiu fundamentál sira ne'ebé atu tuir inisiativa sira hotu planu nian).

Rezultadu ida ne'ebé importante mós iha dezenvolvimentu Timor Dijital 2032 nian mak faktu katak ida ne'e sei fornese referénsia ida no facilita entendimentu komún ida ba ema hotu no lansa baze sira atu parte hotu-hotu bele servisu hamutuk ba objetivu komún sira ne'ebé refere ba dijitализasaun. Planu estratêjiku ne'e propoin mós mekanizmu koordinasaun no implementasaun nian sira ne'ebé buka atu garante aliñamentu ho prioridade sira dezenvolvimentu Governu nian no maksimiza no otimiza relasaun kustu-benefísiu husi investimentu Governu no parseiru sira iha dijitализasaun no iha TIK.

VIZAUN


Governu: Ho tulun husi teknolojia dijitál no TIK sira, alkansa governu dijitál ida ne'ebé simples, transparente no fasil atu hotu-hotu bele asesu, iha ne'ebé governu hola prezensa la'ós de'it iha telemóvel no komputadór pesoál, maibé mós iha suku (aldeia) hotu-hotu, eskola sira, klínika sira, no loke dalan atu promove partisipasaun sívika iha polítika públika sira. Parseria ho sosiedade sivíl, dezenvolve servisu públiku ida ne'ebé haree ba nesesidade no hakarak populasan nian.

Sosiedade: Dezenvolve no alkansa sosiedade ida ne'ebé ema hotu bele kria no fahe valór no kontribui ba Era Dijitál no ba dezenvolvimentu ekonomia Dijitál ida, ne'ebé ita nia Joven sira bele, iha futuru, servisu online, la'ós de'it iha Timor, maibé la iha fronteira sira no kompete iha merkadu globál; no ferik-katuas sira, ema sira ne'ebé hela iha zona rurál, ema sira ne'ebé moris ho forma defisiénsia nian, ka grupu vulnerável sira la eskloi husi servisu públiku sira ka partisipasaun iha merkadu sira, oportunidade servisu no dezenvolvimentu husi ekonomia digitalizada.




KUADRU ESTRATÉJIKU

PILAR DIJITÁL ESTRATÉJIKU SIRA



PILAR FASILITADÓR SIRA








PILAR DIJITÁL ESTRATÉJIKU SIRA





- Pilar Dijitál Estratējiku sira iha kuadru ne'e mak elementu fundamentál sira husi Planu Estratējiku Nasionál ba Dezenvolvimentu Dijitál no TIK sira, iha ne'ebé ba pilár ida-idak sei dezenvolve planu estratējiku ida ne'ebé haree liu no planu implementasaun nian ida kona-ba oinsá teknolojia dijitál no TIK sira sei utiliza hodi dezenvolve governasaun, ekonomia, saúde, edukasaun no agrikultura.
- Pilar Dijitál Estratējiku ida-idak sei rezulta ba planu estratējiku espesífiku ida. Planu ida-idak sei atualiza beibeik durante implementasaun estratējia nian.
- Planu hotu-hotu tenke aborda forma oinsá prinsípiu estratējiku sira sei asegura, bainhira sira ne'e bele aplika.
- Atu mantein aliñamentu ho prioridade sira dezenvolvimentu governu nian, komisaun ezeutivu ne'e tenke progresivamente, durante tinan sanulu nia laran, identifika Pilar estratējiku adisionál sira hanesan: inklusaun sosiál, kriaun empregu, investimentu no komérsiu, no turizmu.





Governasaun

Objetivu: Atu alkansa governu ida simples, transparente no fasil atu ema hotu bele asesu, iha ne'ebé governu hola prezensa la'ós de'it iha telemóvel no komputadór pesoál, maibé mós iha suku (aldeia) hotu-hotu, eskola no klinika sira no promove partisipasaun sívika iha polítika públika sira.

- Pilar Dijital Estratéjiku ne'ebé foka liu ba Governasaun mak pilár importante liu hotu, tanba inisiativa sira husi pilár ida ne'e sei posibilita dezvoltimentu dijital husi setór hotu-hotu.
- Nesidade atu uza teknolojia dijital no TIK sira hodi hadi'a prosesu administrativu no prestasaun servisu governu nian sira identifika tiha ona iha Programa Reforma Administrativa Governu nian, ne'ebé konsidera importante atu desenvolve planu implementasaun nian ida ne'ebé haree liu ba uzu teknolojia dijital no informasaun no komunikasaun, atu nune'e bele hadi'a di'ak liután servisu governu nian, transparénsia, asesibilidade no bele halo planu ida ne'ebé asesivel ba servisu governu nian sira, servisu sira no hodi hadi'a efikásia husi setór públiku.
- Atu desenvolve planu estratéjiku ida ne'ebé haree liu ba governasaun, TIC Timor sei avalia sistema sira hotu jestaun informasaun governu nian, desenvolve katálogo ida husi servisu governamentál hotu-hotu no desenvolve arkitetura no política interoperabilidade nian ida ne'ebé utiliza no IDU hanesan mekanizmu autentikasaun nian atu nune'e bele permite inter-operaun no halo simplifikasaun ba servisu governu nian. Atu desenvolve governu dijital ida ne'ebé haree liu ba sidadaun sira, planu ida ne'e prezisa desenvolve liu husi kolaborasaun di'ak ho organizasaun sociedade sivil nian sira no tenke inklui kolaborasaun interministeriál.
- Asesu ba servisu governu nian husi sidadaun sira ne'ebé hela iha área remota sira mak hanesan prioridade governu nian, tanba ne'e importante liga administrasaun públika tomak ba rede TIK governu nian no atu estabelese balkaun úniku ida iha suku hotu-hotu: Uma Dijital ne'ebé bele sai hanesan balkaun atendentu Governu nian no liga sidadaun no governu lokál ba governu sentrá, ONGs, parseiru dezvoltimentu, merkadu no setór privadu.

- Simplicidade, transparénsia, prestasaun konta sira no partisipasaun hanesan elementu xave husi governu dijitál modernu ida, nesesidade sira ne'ebé identifika mós husi Sosiedade Sivil, mak importante tebes atu sentraliza konetividade no servisu governu nian hotu-hotu iha portál governu nian ida de'it, inklui estrutura governu nian, servisu, notísia, ezekusaun orsamentál, relatóriu sira, gastu, vaga no konsulta polítika públika sira, nune'e mós atu aplika aparénsia hanesan ba servisu dijitál hotu-hotu governu nian.
- Atu koordena jestaun kona-ba planu estratêjiku iha nível polítiku, Governu Timor-Leste sei estabelese Komisaun Ezekutiva ida ba Dezenvolvimentu Dijitál no TIK nian, no membru mak ministru sira husi ministériu prinsipál sira, representante sira husi sosiedade sivil no setór privadu. Ba nível ezekusaun no servisu nian, TIC Timor sei estabelese Ekipa Assessoria Dijitál ida, ne'ebé sei koordena dezenvolvimentu no ezekusaun planu implementasaun nian sira, apoia ministériu no ajénsia governamentál sira iha sira-nia jornada transformasaun dijitál no servisu ho sosiedade sivil no setór privadu.
- Nune'e mós iha nível servisu nian, ministériu no ajénsia governu nian hotu-hotu tenke harii Ekipa Aselersaun Dijitál atu servisu ho Ekipa Assessoria Dijitál TIC Timor nian no sosiedade sivil hodi utiliza teknolojia dijitál no TIK nian sira atu hadi'a sira nia prosesu administrativu no prestasaun servisu.
- Dezenvolvimentu husi kompeténsia dijitál no TIK sira nian iha governu tomak no servisu públiku importante tebes ba susesu planu estratêjiku, hahú husi nível polítiku to'o nível operasionál. Ho nesesidade ida ne'e, TIC Timor ne'e sei estabelese Sentru Aselersaun no Dezenvolvimentu Kompeténsia Dijitál nian ida ne'ebé sei serve hanesan think-tank no plataforma kolaborasaun nian ida no aselersaun ba asuntu hotu-hotu kona-ba dezenvolvimentu dijitál no TIK nian ba governu, sosiedade sivil no setór privadu serbisu hamutuk hodi lidera implementasaun planu estratêjiku no dezenvolve solusaun ne'ebé haree liu ba sidadaun no iha setór privadu no ba dezenvolvimentu kompeténsia husi polítiku, tékniku sira, sosiedade sivil nian no funsionáriu públiku.





Ekonomia Inkluziva

Objetivu: Ho tulun husi teknolojia dijitál no TIK sira, dezenvolve ekonomia dijitál ida ne'ebé inkluziva iha ne'ebé ema hotu-hotu bele benefisia, inklui ema sira ne'ebé moris ho defisiénsia, minoria sira no ema sira iha zona rurál sira no garante katak ema hotu-hotu iha asesu ne'ebé di'ak no luan liután ba merkadu ho tulun husi teknolojia dijitál no TIK sira.

- ezenvolve planu estratéjiku ida ne'ebé foka liu ba Ekonomia Dijital Inkluziva ne'ebé lori oportunidade foun no hadi'a asesu ba merkadu no apoiu ba feto no mane sira, ferik-katuas sira, ema sira iha zona rurál no ema sira ne'ebé moris ho defisiénsia. Planu ne'e tenke inklui estratéjia nasional ida kona-ba komérsiu eletróniku, promove pagamentu móvel no dezenvolve solusaun sira ne'ebé promove asesu ba merkadu sira no promosaun produktu lokal no turizmu nian.
- Hadi'a asesu ba merkadu no promosaun produktu lokal sira. Dezenvolve portál promosaun ba Suku sira no produktu sira: Portál Merkadu Boot atu halibur informasaun agrikultór sira nian, artezaun sira no seluk tan no promove produktu sira husi área rurál no remota sira.

Saúde

Objetivu: Dezenvolve solusaun espesífika sira atu hadi'a prestasaun, qualidade no bele hala'o servisu saúde Governu nian iha Timor-Leste, hodi aproveita oportunidade sira ne'ebé oferese husi teknolojia dijitál no TIK sira.

- Dezenvolve estratéjia ida ne'ebé foka ba setór Saúde. Liga lokal sira hotu ho prestasaun kuidadus saúde governu nian ba rede informátika governu nian.
- Haree ba Identifikadór Dijital Úniku implementa sistema identifikasaun pasiente sira nian no sistema sira ba jestaun ba rejistu klíniku.
- Fó ba fatin prestasaun servisu saúde nian sistema videokonferénsia no teknolojia sira seluk atu bele permite Tele-medisina no apoiu remotu no promove kolaborasaun iha nível nasional no internacional.



Objetivu: Dezenvolve solusaun espesífika sira atu hadi'a kualidade husi prestasaun servisu edukativu sira no to'o ba Timor-Leste tomak hodi aproveita oportunidade sira ne'ebé oferese husi teknolojia dijitál no TIK sira.

- Dezenvolve estratéjia ida ne'ebé foka ba Edukasaun ho objetivu atu utiliza teknolojia dijitál sira no TIK. Planu estratéjiku ne'e tenke inklui ligasaun ba instalasaun edukasaun nian hotu-hotu Governu nian ba rede TIK Governu nian, dezenvolvimentu biblioteka dijitál sira, repozitóriu koñesimentu nian sira, uzu teknolojia edukativa no, hodi aproveita Identifikadór dijitál Úniku, implementa sistema jestaun informasaun eskolár no jestaun akadémika ba nível ensinu hotu-hotu.



Objetivo: Desenvolver soluções específicas para melhorar o apoio ao sector Agrícola na produção e acesso a mercados em Timor-Leste e no estrangeiro, aproveitando as tecnologias digitais e as TIC.

- Dezenvolve estratéjia ida ne'ebé konsentra iha Setór Agrikultura hodi insentiva utilizaun teknolojia dijitál no TIK sira ba produsaun, monitorizasaun, ne'ebé facilita asesu ba merkadu nasional no internasionál sira no uza e-agrikultura.



Objetivo: Aproveita oportunidade sira oferese husi teknolojia dijitál no TIK sira hodi dezenvolve neinek setór adisionál sira atu bele mantein aliñamentu ho prioridade sira dezenvolvimentu GoTL nian.

- Dezenvolve neinek estratéjia ne'ebé haree liu ba setór adisionál sira hodi aliñamentu ho área prioritária sira dezenvolvimentu nian no reforma Governu nian. Setór sira ne'e bele sai hanesan setór sira hanesan justisa, inklusaun sosiál, kriaunsaun empregu, komérsiu no indústria no turizmu.





PILAR FASILITADÓR SIRA





Pilares fasilitadór ne'e sai hanesan importante atu garante implementasaun ne'ebé efikás no eficiente ba planu estratējiku no retornu husi investimentu sira. Pilár hirak ne'e sai hanesan objetu husi planu no roteiru oin-oin atu implementa progresiva no kontinua sai nu'udar pilár importante ida ba tinan sanulu nia laran.





Komisaun Ezekutiva ba dezenvolvimentu dijital no TIK

Komisaun Ezekutiva ba dezenvolvimentu dijital no TIK sira mak órgaun koordinasaun nivel aas husi Planu Estratéjiku Timor Dijital 2032.

- Kria Komisaun Ezekutiva ida ba dezenvolvimentu dijital no TIK nian, ne'ebé lidera husi Prezidência Konsellu Ministrus (PKM), ho representasaun husi ministériu xave no ajénsia governamentál sira, husi Sociedade Sivil no husi Setór Privadu.

Infraestrutura TIK

Pilar facilitadór ba infraestrutura TIK nian foka liu ba atu dezenvolve infraestrutura TIK nasional no governu nian.

- Transformasaun dijital sei aumenta nesesidade ne'ebé eziste ona husi governu atu dezenvolve forsa traballu TIK nian ida ne'ebé kualifikada no espesializada, no nesesidade atu dezenvolve no mantein infraestrutura ida ne'ebé sustentável no seguru. Nune'e, Governu sei aplika abordajen úniku ida husi departamentu TIK nian ba governu no sentrada totalmente ba TIC Timor ba pesoál TIK tomak, polítika TIK nian, governu dijital, sentru dadus, administrasaun sistema, aplikasaun korporativu, seguransa sibernética, sistema no dezenvolvimentu ba aplikasaun sira.
- Atu garante katak investimentu iha teknolojia dijital no TIK nian bele konsolida di'ak liután, aliña no oferese relasaun kustu-benefísiu ne'ebé di'ak liu, Governu sei dezenvolve mekanizmu supervizaun no koordinasaun kona-ba gastu no investimentu iha teknolojia Dijital no TIK sira.
- Atu mantein infraestrutura TIK moderna no aumenta nia kobertura, governu sei atualiza progresiva no kontinuantemente ninia infraestrutura, sentru dadus no sistema sira, no loke rede ho forma ida atu alkansa no liga administrasaun públika tomak, suku, eskola no instalasaun saúde sira.
- Governu mós sei estabelese totalmente IDU no rejista populasaun tomak atu nia serve hanesan mekanizmu hodi asesu servisu governu nian.
- Sei hadi'a mós rede nasional banda larga nian no investe hodi hadi'a qualidade no kustu ligasaun ba internet.
- Ho objetivu atu kria ekosistema inovasaun no empreendedorizmu nian iha setór teknolojia dijital sira, TIK no telekomunikasaun sira, governu sei dezenvolve estratéjia ida atu dada investimentu ba área teknolojia dijital no TIK sira.

**Besik no Folin
ne'ebé bele selu**

Dezenvolve governu ida, ho tulun husi teknolojia dijitál no TIK sira ne'ebé besik ba ema, iha fatin hotu, iha nia telefone no komputadór sira no iha eskola, klínika no suku sira. Dezenvolve mekanizmu sira atu hadi'a kustu asesu ba internet.

- Implementa mekanizmu sira atu hadi'a proximidade no asesibilidade ba sidadaun ho empreza sira no hanesan ezemplu asesu ne'ebé la selu ka ho kustu ki'ik ba portál no aplikasaun GoTL nian.
- Estabelese prezensa husi servisu governamentál oin oin no uza meius oin-oin, hanesan:
- Sentru dijitál lokál iha suku ida-idak: Uma Dijitál balkaun dijitál úniku ida no atendimentu ba asesu ba servisu governu lokál nian no liga sidadaun lokál, merkadu no ONG sira ba governu.
- Portál ne'ebé sentralizadu husi Governu no abordajen ne'ebé sentraliza ba Servisu Governu Dijitál nian. Aplikasaun ho vídeo esplikaun sira ba asesibilidade.

**Lejislasaun no
Política sira**

Dezenvolve leislasaun ne'ebé permite transformasaun dijitál, hodi garante mós katak prinsípiu sira privasidade no protesasaun ba dadus sidadaun sira nian hetan konsiderasaun iha realizasaun transformasaun dijitál Timor-Leste nian.

- Kontinua dezenvolve leislasaun no política hanesan Lei PDP (ne'ebé la'o hela), Lei Sibeberkrime (ne'ebé hala'o hela), Lei Komérsiu Eletrónika (ne'ebé hala'o hela), Kódigu Propriedade Intelektuál (ne'ebé hala'o hela), Dekretu-Lei IDU nian (ne'ebé la'o hela), no política sira seluk atu fahe dadus entre ministériu no ajénsia sira.

**Kompeténsia
dijitál no TIK
sira**

Harii sosiedade ida ne'ebé la'ós de'it pronta ba Era Dijitál, maibé bele hetan benefísiu no kontribui ba transformasaun dijitál nasionál.

- Iha parseria ho Universidade sira, parseiru dezenvolvimentu nian sira, no sira seluk, kria Sentru ida kona-ba Aselerasaun no Dezenvolvimentu kompeténsia dijitál sira atu forma desizór polítiku no pesoál tékniku sira TIK nian. Organiza programa formasaun no bolsa estudu ba desizór polítiku sira, pesoál tékniku TIK nian no sidadaun sira atu hetan kompeténsia dijitál no TIK nian ne'ebé presiza atu kria no hasa'e ambiente ida ne'ebé apropiadu.
- Dotasaun ba sosiedade husi kompeténsia dijitál no TIC sira atu sira bele goza benefísiu sira no kontribui ba sosiedade no Timor-Leste dijitál. Atualiza kuríkulu edukativu iha Eskola no Universidade sira.
- Fó ba téknika sira TIC Timor nian kompeténsia iha asesoria dijitál, dezenvolvimentu software no sistema sira, siberseguransa, jestaun sentru dadus sira, no rede informátika sira atu bele haburas no apoia dijitalizasaun Governu Timor-Leste nian.
- Dezenvolve planu nasionál ba dezenvolvimentu husi kompeténsia dijitál no TIK sira.





PRINSÍPIU ESTRATÉJIKU SIRA

Inkluziun no
Aksesibilidade

Envolvimentu
hosi Sosiedade
Sivil no Setor
Privadu

Partisipasaun

Interoperabilidade

Protesaun Dadus
no Privasidade

Prinsípiu Estratéjiku sira mak prinsípiu ne'ebé iha konsiderasaun iha planu hotu-hotu Governu nian ne'ebé relasiona ho dezenvolvimentu dijitál no planu hotu-hotu tenke aborda hanesan Prinsípiu Estratéjiku sira sei asegura bainhira mak bele aplika.

Inkluziun no Aseesibilidade

- Planu estratéjiku hotu-hotu governu nian, roteiru, planu no iniciativa sira tenke aborda prinsípiu Inkluziun no Aseesibilidade.
- Planu hotu-hotu tenke inklui detalhe sira oinsá sei konsidera no garante Inkluziun no Aseesibilidade.

Envolvimentu husi Sosiedade Sivíl no Setor Privadu

- Planu estratéjiku hotu-hotu, planu implementasaun no iniciativa sira tenke aborda oinsá sosiedade sivíl no setór privadu bele envolve, no hetan apoiu bainhira mak bele aplika.
- Bainhira bele, sosiedade sivíl no setór privadu tenke envolve iha dezenvolvimentu no implementasaun ba meta sira husi planu estratéjiku.



Partisipasaun

- Planu estratéjiku hotu-hotu governu nian, roteiru, planu no iniciativa sira tenke aborda prinsípiu partisipasaun nian.
- Planu hotu-hotu tenke inklui detalhe sira oinsá sei promove partisipasaun.

Interoperabilidade

- Planu estratéjiku Governu nian hotu-hotu, roteiru, planu no iniciativa sira tenke aborda prinsípiu interoperabilidade nian entre sistema governamentál sira atu garante la iha duplikasaun husi prosesu sira, dokumentu sira ne'ebé presiza no número husi interasaun sira ho GoTL.
- Planu hotu-hotu tenke inklui detalhe sira kona-ba oinsá sistema sira sei opera hamutuk.

Protesaun Dadus no Privacidade

- Planu estratéjiku, roteiru, planu no iniciativa hotu-hotu governu nian tenke tuir prinsípiu Protesaun ba Dadus no Privacidade bainhira bele aplika.
- Planu hotu-hotu tenke inklui detalhe sira oinsá sei konsidera no garante Protesaun ba Dadus no Privacidade.

OBJETIVU ESTRATÉJIKU SIRA



Objetivu 1 – Estabelese Komisaun Ezekutiva ba Dezenvolvimentu Dijital no TIK sira, ne'ebé lidera husi PKM, Ministru sira husi Ministériu prinsipál sira, sosiedade sivíl no setór privadu.



Objetivu 2 – Dezenvolve planu estratéjiku ba dezenvolvimentu dijital ba Pilar Estratéjiku Dijital sira Governasaun nian, Ekonomia Inkluziva, Edukasaun, Saúde no Agrikultura:



Objetivu 2.1 – Planu estratéjiku ida ba dezenvolvimentu dijital ho foku ba Governasaun.



Objetivu 2.2 – Planu Estratéjiku ida ba dezenvolvimentu Ekonomia Dijital ida.



Objetivu 2.3 – Planu Estratéjiku Dezenvolvimentu dijital ida ho foku ba Edukasaun.



Objetivu 2.4 – Planu estratéjiku ida ba dezenvolvimentu dijital ho foku ba Saúde.



Objetivu 2.5 – Planu estratéjiku ida ba dezenvolvimentu dijital ho foku ba Agrikultura.



Objetivu 3 – Dezenvolve neinek planu estratéjiku sira kona-ba dezenvolvimentu dijital ho foku ba setór sira seluk iha aliñamentu ho prioridade sira Governu Timor-Leste nian, hanesan inklusaun sosiál, empregu joven, alterasaun klimátika, justisa, turizmu no peska.



Objetivu 4 – TIC Timor sei estabelese Ekipa Assessoria Dijital ida atu apoia Ministériu sira husi GoTL hodi halo transformasaun dijital iha nivel servisu nian.



Objetivu 5 – Estabelese ekipa aselersaun iha ajénsia governu nian ida-idak atu servisu ho Ekipa Assessoria Dijital TIC Timor nian no hodi insentiva digitalizasaun no TIK atu hadi'a prestasaun servisu sira.



Objetivu 6 – Kria Sentru Aselersaun no Dezenvolvimentu kompeténsia dijital no TIK sira nian.



Objetivu 7 – Hadi'a TIK Governu nian iha TIC Timor, inklui rekursu umanu, rede informátika sira, sentru dadus sira, administrasaun sistema, aplikasaun korporativu sira, dezenvolvimentu sistema no aplikasaun sira, no siberseguransa.



Objetivu 8 – Konsolida prosesu aprovisionamentu, investimentu no akizisaun TIK nian atu nune'e bele asegura aliñamentu husi iniciativa sira iha governu tomak.



Objetivu 9 – Dijitalizasaun no sentralizasaun progresivu ba servisu públiku sira hotu no fahe sira ba públiku iha portál ida de'it governu nian no aplikasaun móvel, inklui notísia governamentál sira, konkursu, vaga, despeza pública sira no konsulta ba polítika pública sira. Loja dijital ida ba asuntu hotu-hotu Governu nian.



Objetivu 10 – Estabelese balkaun úniku ida iha Suku ida-idak: Uma Dijital atu serve hanesan balkaun atendimentu Governu nian no liga sidadaun no governu lokal ba governu sentrá, ONG, merkadu no setór privadu.



Objetivu 11 – Hadi'a rede nasionál banda larga nian no investe hodi hadi'a kualidade no kustu ligasaun ba internet.



Objetivu 12 – Hadi'a infraestrutura TIK GoTL nian no habelar rede governu nian ba administrasaun públika, suku, eskola no klinika sira.



Objetivu 13 – Atualiza kuríkuлу edukativu ba nivel hotu-hotu husi pré-eskolár atu permite foin-sa'e sira hodi dezenvolve kompeténsia dijital no TIK nian.



Objetivu 14 – Estabelesimentu kompletu ba IDU no rejista populasaun tomak hodi ida ne'e serve hanesan mekanizmu hodi hetan asesu ba servisu governu nian.



Objetivu 15 – Implementa portál promosaun ba suku, produktu no turizmu: Portál Merkadu Boot atu promove turizmu no produktu sira iha área rurál no remota sira iha merkadu nasionál no internasionál sira.



Objetivu 16 – Dezenvolve estratéjia ida atu atrai investimentu ba área teknolojia dijital sira, TIK no telekomunikasaun sira.



Objetivu 17 – Dezenvolve planu nasionál ida ba dezenvolvimentu kompeténsia sira iha teknolojia dijital no TIK nian.



Objetivu 18 – Dezenvolve estrutura regulatória adekuada ida.



Objetivu 19 – Tau hamutuk TIC Timor I.P. ho DNIC (Diresaun Nasionál Teknolojia Informasaun no Komunikasaun) husi MTK iha Ministériu foun ida.

IMPAKTU NO BENEFÍSIU HUSI OBJETIVU IDA IDAK

Objetivu	Impaktu no Benefísiu sira
Objetivu 1 – Estabelese Komisaun Ezekutiva ba Dezenvolvimentu Dijital no TIK sira.	Estabelesimentu komisaun ida iha nivel polítiku ba Dezenvolvimentu Dijital no TIK sira, sei garante katak kestaun sira kona-ba dezenvolvimentu dijital ne'ebé goza ho kompromisu no apoiu polítiku ne'ebé nesesáriu, nune'e mós apoiu husi sosiedade. Kriasaun komisaun multisektoriál no representativa husi sosiedade tomak nia rezultadu mak transformasaun dijital ida ne'ebé bele aselera no iha envolvimentu ne'ebé di'ak liután husi sidadaun no setór privadu, hodi posibilita implementasaun adaptativa no fô garantia ne'ebé boot liután ba servisu governu nian no dezenvolvimentu dijital nian ne'ebé adapta ona ba nesesidade no aspirasaun sira sosiedade nian.
Objetivu 2 – Dezenvolve planu estratéjiku ba dezenvolvimentu dijital ba Pilar Estratéjiku Dijital sira Governasaun nian, Ekonomia Inkluziva, Edukasaun, Saúde no Agrikultura:	
 Objetivu 2.1 – Planu estratéjiku ida ba dezenvolvimentu dijital ho foku ba Governasaun.	Dezenvolvimentu planu estratéjiku ida kona-ba dezenvolvimentu dijital ho foku ba Governasaun atu aumenta efisiénsia no produtividade interna governu nian no hadi'a fluksu informasaun nian sira entre sidadaun no governu rasik. Transformasaun dijital governu nian sei permite kolaborasaun ida ne'ebé di'ak liu entre ajénsia governu nian sira no sei fô rezultadu ba kustu Funsau Públika nian menus. Dijitalizasaun no simplifikasaun rekizitu sira husi servisu governamentál sei hadi'a esperiénsia utilizadór ba sidadaun no empreza sira, sei promove partisipasaun pública no aumenta transparénsia governu nian.
Objetivo 2.2 – Um plano estratégico para o desenvolvimento de uma Economia Digital.	Teknolojia dijital sira sei tulun governu atu dezenvolve ho progresivu ekonomia dijital no inkluzivu, hadi'a kompeténsia dijital sira, asesu ba merkadu sira, promove dezenvolvimentu setór privadu nian no kria empregu foun sira. 
Objetivu 2.3 – Planu Estratéjiku Dezenvolvimentu dijital ida ho foku ba Edukasaun.	Teknolojia dijital sira sei tulun governu atu dezenvolve neineik setór edukasaun nian, ne'ebé sei fô rezultadu ba kompeténsia dijital sira ne'ebé hadi'a ona, aumenta empregabilidade, ambiente empreendedorizmu no hadi'a setór edukasaun nian.
Objetivu 2.4 – Planu estratéjiku ida ba dezenvolvimentu dijital ho foku ba Saúde.	Teknolojia dijital sira sei tulun governu atu dezenvolve neineik setór saúde nian, hadi'a asesu sidadaun sira nian ba kuidadu saúde nian no hadi'a efisiénsia setór ne'e nian.
Objetivu 2.5 – Planu estratéjiku ida ba dezenvolvimentu dijital ho foku ba Agrikultura.	Teknolojia dijital sira sei tulun governu atu dezenvolve neineik setór agríkola, hadi'a kompeténsia dijital sira husi agrikultór sira, produtividade setór nian, asesu ba merkadu sira, no hasa'e kriasaun empregu.



Objetivu

Impaktu no Benefisiu sira

Objetivu 3 – Dezenvolve neineik planu estratêjiku sira kona-ba dezvoltamentu dijital ho foku ba setôr sira seluk iha aliñamentu ho prioridade sira Governu Timor-Leste nian, hanesan inklusaun sosiál, empregu joven, alterasaun klimátika, justisa, turizmu no pesca.

Teknolojia dijital sira bele mós tulun Governu atu dezenvolve setôr hotu-hotu sosiedade nian.



Objetivu 4 – TIC Timor sei estabelese Ekipa Assessoria Dijital ida atu apoia Ministériu sira husi GoTL hodi halo transformasaun dijital iha nivel servisu nian.

Hadi'a apoia ne'ebé fô ona ba ajénsia governu nian sira. Aliñamentu ida di'ak liu ba nesesidade ajénsia governu nian sira ho teknolojia dijital sira, hodi fô rezultadu ne'ebé efisiente no servisu sira ne'ebé di'ak liu. Timor-Leste estabelese pontu entrada sira ba implementasaun estratêjika iha nivel implementasaun. Permite melloria ba kompeténsia dijital husi ajénsia governu nian sira.

Objetivu 5 – Estabelese ekipa aselersaun iha ajénsia governu nian ida-idak atu servisu ho Ekipa Assessoria Dijital TIC Timor nian no hodi insentiva dijitalizasaun no TIK atu hadi'a prestaun servisu sira.

Hadi'a apoia ne'ebé fô ona ba ajénsia governu nian sira. Aliñamentu ida di'ak liu ba nesesidade ajénsia governu nian sira ho teknolojia dijital sira, hodi fô rezultadu ne'ebé efisiente no servisu sira ne'ebé di'ak liu. Timor-Leste estabelese pontu entrada sira ba implementasaun estratêjika iha nivel implementasaun. Permite melloria ba kompeténsia dijital husi ajénsia governu nian sira.


Objetivu 6 – Kria Sentru Aselersaun no Dezelvimentu kompeténsia dijital no TIK sira nian.

Sei permite dezvoltamentu solusaun no rezultadu sira ne'ebé di'ak liu no adapta ba nesesidade sira husi sosiedade tomak, hodi fô rezultadu ne'ebé boot liután ba envolvimentu, inklusaun no asesibilidade. Permite dezvoltamentu ba kompeténsia dijital sira ba nível hotu-hotu Governu nian, Funsau Públika no Sosiedade Sivil.

Objetivu 7 – Hadi'a TIK Governu nian iha TIC Timor, inklui rekursu umanu, rede informátika sira, sentru dadus sira, administrasaun sistema, aplikasaun korporativu sira, dezvoltamentu sistema no aplikasaun sira, no siberseguransa.


Sentralizasaun TIK Governu nian iha ajénsia ida sei permite ba Governu atu dezenvolve forsa traballu no infraestrutura TIK nian ida ne'ebé espesializada tebes, ne'ebé sei iha benefisiu boot, hanesan:

- Hala'o di'ak liután servisu governu nian.
- Maior disponibilidade servisu governu nian.
- Atu responde di'ak liután ba nesesidade sira ajénsia governu nian.
- Garantia tan kona-ba siberseguransa.
- Redusaun kustu.
- Aumenta simplisidade implementasaun governu dijital ida.
- Maior konfiansa ba TIK husi ajénsia sira governu nian.






Objetivu	Impaktu no Benefísiu sira
Objetivu 8 – Konsolida prosesu aprovizionamentu, investimentu no akizisaun TIK nian atu nune’e bele asegura aliñamentu husi inisiativa sira iha governu tomak.	Hadi’a relasaun kustu-benefísiu husi investimentu sira iha teknolojia dijitál no TIK nian. Sei garante aliñamentu husi inisiativa governamentál hotu-hotu ho planu estratéjiku dezvoltamentu dijitál no TIK nian sira, ne’ebé adekuada ba objetivu sira no halo di’ak liután benefísiu sira ne’ebé hakarak.
Objetivu 9 – Dijitalizasaun no sentralizasaun progresivu ba servisu públiku sira hotu no fahe sira ba públiku iha portál ida de’it governu nian no aplikasaun móvel, inklui notísia governamentál sira, konkursu, vaga, despeza pública sira no konsulta ba polítika pública sira. Loja dijitál ida ba asuntu hotu-hotu Governu nian.	Sentralizasaun ba site husi ajénsia governu nian hotu-hotu sei hasa’e simplisidade asesu ba servisu no informasaun, ne’ebé sei rezulta iha sosiedade ida ne’ebé hetan informasaun di’ak liu, atu hadi’a asesu ba servisu governu nian, husi esperiénsia utilizadores nian, iha simplifikasaun rekizitu sira servisu nian no iha partisipasaun sívika no transparénsia nian ida ne’ebé boot liután.
Objetivu 10 – Estabelese balkaun úniku ida iha Suku ida-idak: Uma Dijitál atu serve hanesan balkaun atendentu Governu nian no liga sidadaun no governu lokál ba governu sentrá, ONG, merkadu no setór privadu.	Dezenvolvimentu balkaun úniku ida iha Suku ida-idak sei fô asesu ne’ebé di’ak liu ba servisu Governu nian sira no apoiu ne’ebé di’ak liután ba comunidade sira. Ne’e hatudu impaktu pozitivu ida iha moris comunidade sira nian, hodi hadi’a inklusaun sosiál no iha asesu ne’ebé di’ak liu ba servisu saúde no edukasaun nian. Sei lori mós oportunidade foun sira, hanesan dezvoltamentu ba kompeténsia dijitál sira, asesu ne’ebé di’ak liu ba merkadu no apoiu empreza familiár sira no jere husi feto sira.
Objetivu 11 – Hadi’a rede nasionál banda larga nian no investe hodi hadi’a kualidade no kustu ligasaun ba internet.	Hadi’a rede banda larga nasionál nian sira presiza tebes atu hamenus kustu no hadi’a asesu ba servisu móvel no ba servisu sira Governu nian. Asesu ba servisu banda larga nian, no sai nu’udar fasilitadór krítiku ida ba dezvoltamentu dijitál, sei loke dalan ba benefísiu boot ida ba sosiedade.
Objetivu 12 – Hadi’a infraestrutura TIK GoTL nian no habelar rede governu nian ba administrasaun pública, suku, eskola no klinika sira.	Atualizasaun kontínua kona-ba infraestrutura TIK governu nian sei hadi’a efisiénsia, hetan no disponibilidade husi servisu governu nian sira.
Objetivu 13 – Atualiza kuríkulu edukativu ba nivel hotu-hotu husi pré-eskolár atu permite foin-sa’e sira hodi dezvoltar kompeténsia dijitál no TIK nian.	Loke kontaktu ho teknolojia dijitál sira no TIK husi kedas tempu badak sei fô rezultadu ba dezvoltamentu sosiedade ida ho kompeténsia dijitál sira no ho asesu ne’ebé boot liután ba empregu sira, hodi dezvoltar sosiedade dijitál.






Objetivu	Impaktu no Benefísiu sira
Objetivu 14 – Estabelesimentu kompletu ba IDU no rejista populasaun tomak hodi ida ne'e serve hanesan mekanizmu hodi hetan asesu ba servisu governu nian.	IDU sei fó rezultadu ba iha efisiénsia no produtividade interna governu nian ne'ebé boot liu no, tanba ne'e, informasaun husi sidadaun sira ba governu, Governu ba sidadaun sira no iha governu rasik. IDU loke dalan atu halo simplifikasaun ba rekizitu servisu governu nian sira, permite kolaborasaun entre ajénsia governu nian sira no rezulta iha redusaun ida ba kustu ho teknolojia no maundeobra.
Objetivu 15 – Implementa portál promosaun ba suku, produtu no turizmu: Portál Merkadu Boot atu promove turizmu no produtu sira iha área rurál no remota sira iha merkadu nasionál no internasionál sira.	Portál ne'e sei permite promosaun ba produtu no turizmu lokál no asesu ne'ebé boot liután ba merkadu, nune'e fó impaktu pozitivu ida iha moris comunidade sira nian.
Objetivu 16 – Dezenvolve estratêjia ida atu atrai investimentu ba área teknolojia dijitál sira, TIK no telekomunikasaun sira.	Dezenvolvimentu estratêjia ida atu atrai investimentu ba teknolojia dijitál sira, TIK no Telekomunikasaun sei fó rezultadu ba servisu ho presu kompetitivu no mós ba servisu dijitál foun no di'ak liu. Sei ajuda atu dezenvolve setór privadu empreendedór no inovadór, kria oportunidade ba empregu, dezenvolve podér ekonómiku feto no família sira nian, hadi'a meus subsisténsia nian no hadi'a dezenvolvimentu ekonómiku sosiedade tomak nian.
Objetivu 17 – Dezenvolve planu nasionál ida ba dezenvolvimentu kompeténsia sira iha teknolojia dijitál no TIK nian.	Planu globál ida ba dezenvolvimentu kompeténsia iha teknolojia dijitál no TIK nian sira sei lori benefísiu barak: ▪ Hadi'a kompeténsia dijitál ba sosiedade tomak. ▪ Hadi'a prestasaun servisu governu nian. ▪ Impaktu pozitivu iha moris comunidade sira nian. ▪ Funsau Públika ne'ebé Kualifikada tebes.
Objetivu 18 – Dezenvolve estrutura regulatória adekuada ida.	Estrutura regulatória adekuadu ida sei ajuda kria ambiente katalizadór no akollédór ba investimentu, konkorensia no inovasaun, no mós ambiente ida ne'ebé bele garante katak kria protesaun fundamentál sira: privasidade atu garante katak dadus pesoál sira tenke hetan protesaun, seguru no uza ho forma étika.
Objetivu 19 – Tau hamutuk TIC Timor I.P. ho DNIC (Diresaun Nasionál Teknolojia Informasaun no Komunikasaun) husi MTK iha Ministériu foun ida.	Aliñamentu ida ne'ebé di'ak liu kona-ba asuntu hotu-hotu ne'ebé relaciona ho TIK, transformasaun no dezenvolvimentu dijitál.



KUADRU GOVERNATIVU HUSI IMPLEMENTASAUN





INSTRUMENTU SIRA

**Timor Dijital 2032 – Planu Estratéjiku
Nasionál ba Dezenvolvimentu Dijital no TIK**

Estratéjia Foku

Planu Mestre no Roteiru sira

Portfoliu, Programa no Projetu sira

Inisiativas

**Sistema Dijital no TIK sira, Lejislasaun
no Polítika sira**

**Parseiro
Dezenvolvimentu
Sira**

Kuadru Governativu

Implementasaun ne'e kobre nível governasaun tolu, hahú husi elaborasaun polítika no estratéjia sira to'o iha nivel serbisu nian. Tanba nível hirak ne'e mak hanesan: Estratéjia, Assessoria no Koordenasaun no Implementasaun.

Kuadru ne'e hatudu katak ajénsia governamentál sira no grupu servisu nian sira ne'ebé atua iha nivel ida-idak no instrumentu sira ne'ebé sai hanesan responsabilidade iha nível oioin, ajénsia no grupu traballu sira.





NÍVEL GOVERNASAUN SIRA

Nível Estratégiku

- Iha nível estratéjiku, sei inklui Komisaun Ezekutiva ba dezvoltimentu dijitál no TIK no TIC Timor. Sira rua sei sai nu'udar responsavel ba jestaun planu estratéjiku Timor Dijital 2032, ba estabeleimentu orientasaun estratéjika no dezvoltimentu estratéjia sira ne'ebé haree tuir área dezvoltimentu prioritária sira Governu Timor-Leste nian.

Nível Assessoria no Koordenasaun

- Iha nível asesoria no koordenasaun sei kompostu husi TIC Timor, Ekipa Assessoria Dijital no grupu servisu temporáriu sira, ne'ebé sei serbisu ho ajénsia governamental sira, sociedade civil no setór privadu iha promosaun utilizasaun teknolojia dijitál no informasaun no komunikasaun nian atu hadi'a governasaun no prestasaun servisu sira no atu nune'e bele simplifika neinek interasaun husi governu ho sidadaun sira, setór ne'ebé verifika ona no mós ho nia.
- Nível Assessoria no Koordenasaun sei sai nu'udar responsavel ba dezvoltimentu no jestaun planu implementasaun nian hotu-hotu, programa, projetu no iniciativa sira ne'ebé tau matan ba implementasaun pilár estratéjiku sira no ba produsaun rezultadu tanjivel sira hanesan sistema, aplikasaun no rede informática sira, lejislasaun no política sira.

Nível Implementasaun

- Iha nível implementasaun sei kompostu husi TIC Timor, husi Ekipa Assessoria Dijital husi TIC Timor, ajénsia governamental, sociedade civil no setór privadu no sei sai responsavel ba jestaun no implementasaun ativu dijitál no TIK nian sira, lejislasaun no política sira.

FUNSAUN SIRA HUSI AJÉNSIA NO GRUPU TRABALU SIRA

1 - Komisaun Ezekutiva ba dezenvolvimentu dijitál no TIK

- Kriasaun Komisaun Ezekutiva ba dezenvolvimentu dijitál no TIK nian mak objetivu dahuluk Timor Dijitál 2032 no pontu prinsipál husi planu estratêjiku.
- Prezide husi PKM nia membru sira mak ministru sira husi ministériu relevante sira, xefe ajénsia governamentál sira no representante sira husi sosiedade sivíl no setór privadu hanesan membru konsultivu sira. Membru sira husi GoTL ne'ebé propoin mak: Ministru Prezidénsia Konsellu Ministrus; Ministru Komunikasaun no Transportes; Diretór Ezekutivu TIC Timor I.P.; Governadór Banku Sentrál Timor-Leste nian; Ministru Finansas; Ministru Edukasaun, Juventude no Desportu; Ministru Ensinu Superiór, Siénsia no Kultura; Ministra Saúde; Ministru Administrasaun Estatál; Ministru Agrikultura no Peskas; Ministru Turizmu, Komérsiu no Indústrua.
- Sei sai guardiaun ba Timor Dijitál 2032 no sei atua hanesan konsellu estratêjiku no desizaun ba kestaun nasionál sira kona-ba transformasaun dijitál. Garante koordenaun inter-ajénsia sira no aliñamentu husi inisiativa sira kona-ba transformasaun dijitál ho pilár estratêjiku sira, prinsípiu estratêjiku no pilár fasilitadór sira.
- Hatuur aliñamentu husi inisiativa husi parseiru dezenvolvimentu sira iha área transformasaun dijitál ho pilár estratêjiku sira, prinsípiu estratêjiku no pilár fasilitadór sira.
- Impoin atu halo simplifikasaun kontínua ba prosesu no interasaun sira governu nian ho sidadaun sira no setór privadu.
- Dezenvolve no implementa estratêjia sira atu hadi'a nafatin prestasaun servisu públiku.
- Harii grupu traballu temporáriu bainhira presiza.
- Koordena no aprova dezenvolvimentu planu implementasaun no portfolio husi inisiativa sira ne'ebé tau matan ba implementasaun planu estratêjiku.
- Determina estratêjia setoriál adisionál sira, estratêjia foku adisionál sira.
- Garante revizaun no republikasaun anuál ba planu estratêjiku nasionál Timor Dijitál 2032.





2 – Grupu Traballu sira

Komisaun Ezekutiva ba Dezenvolvimentu Dijital no TIK nian sei kria grupu traballu temporáriu sira atu bele dezenvolve no implementa estratêjia espesífika sira, bainhira relevante. Membru grupu traballu hirak ne'e mak ajénsia governu nian ne'ebé relevante atu hala'o servisu iha kestaun ne'e.

3 - TIC Timor

TIC Timor nu'udar responsavel atu lidera implementasaun planu estratêjiku hanesan ajénsia nasonal TIK nian ne'ebé sai nu'udar responsavel ba política TIK nian, estratêjia sira.

4 - TIC Timor - Ekipa Assessoria Dijital

TIC Timor sei kria Ekipa Assessoria Dijital ida, nu'udar responsavel atu servisu hamutuk ho ajénsia governu nian sira, atu nune'e bele ajuda sira ne'e bele uza teknolojia dijital sira hodi hadi'a prestasaun servisu..

5 – Ajénsia Governamental sira

Papél ajénsia governamental sira nian mak servisu ho TIC Timor no parseiru sira atu insentiva utilizaun teknolojia dijital no TIK nian sira atu hadi'a prestasaun servisu ba sidadaun, empreza no ajénsia governu nian sira seluk.

6 - Ajénsia Governamental sira – Ekipa sira husi Aselerasaun Dijital

Ajénsia governu ida-idak sei hili ekipa ida husi estrutura atuál ne'ebé sei haree ba aselerasaun dijital no servisu ho Ekipa Assessoria Dijital TIC Timor nian no ho TIC Timor.

7 – Sociedade Sivil

Papél sociedade sivil nian mak representa sidadaun no ONG sira Timor-Leste nian no garante katak Timor Dijital 2032 tuir duni sira nia nesesidade. Sociedade sivil hanesan membru konsultivu ida.

8 – Setor Privadu

Papél setor privadu mak representa kamada empresariál Timor-Leste nian no garante katak Timor Dijital 2032 tuir duni sira nia nesesidade. Setor privadu hanesan membru konsultivu ida.

INSTRUMENTU SIRA HUSI GOVERNASAUN

Planu Estratêjiku Timor Digital 2032

Dokumentu prinsipál. Planu no inisiativa hotu-hotu ne'ebé mosu tenke dezenvolve no mantein aliñamentu ho kuadru, pilár no prinsípiu estratêjiku sira Timor Dijitál 2032 nian.

Estratêjia Foku

Planu estratêjiku setoriál sira ne'ebé haree liu ba utilizaun teknolojia dijitál sira iha setór oin-oin, tuir prioridade dezenvolvimentu nian sira no reforma governu nian sira.

Planu Mestre no Roteiru sira

Dezagregasaun husi estratêjia sira ne'ebé haree liu ba pasu sira, orientasaun no estimativa orsamentál sira nivel aas nian.

Portfoliu, Programa no Projetu sira

Portfóliu detalladu, ne'ebé bele implementa no orienta ba inisiativa sira husi programa no projetu sira ho espesifikasaun téknika, kustu orsamentál no prazu ne'ebé determina no detalladu.

Inisiativa sira

Inisiativa ne'ebé rezulta iha bein tanjivel sira: sistema dijitál no TIK nian sira, hanesan aplikasaun, websites, sentru dados, sistema, rede, lejislasaun no polítika sira.



PLANU IMPLEMENTASAUN


Foka:

 Bo'ot

 Médiu

 Ki'ik/ mantem

	2023	2024	2025	
01 – Estabelese Komisaun Ezekutiva				
02 – Dezenvolve Pilar Dijital Estratéjiku sira				
03 – Dezenvolve estratéjia foku adisionál sira				
04 – Estabelese ekipa Assessoria Dijital				
05 – Estabelese ekipa Aselersaun Dijital				
06 – Sentru Aselersaun no Dezenvolvimentu Kompeténsia Dijital sira				
07 – Sentralizasaun ba TIK sira husi governu				
08 –Sentralizasaun ba orsamentu husi TIK				
09 – Dijitalizasaun husi servisu hotu husi governu				
10 – Estabelese balkaun Úniku, Uma Dijital iha suku hotu				
11 – Hadi'a ligasaun banda larga nasionál				
12 – Hadi'a infraestrutura TIK husi GTL no haluan rede governu ba administrasaun públika tomak, suku, eskola no klinika sira.				
13 – Atualizasaun ba kurikulu edukativu sira				
14 – Estabelese IDU				
15 – Dezenvolve Portál Merkadu Boot				
16 – Planu atrasaun husi investimentu privadu				
17 – Planu dezenvolvimentu husi kompeténsia sira				
18 – Desenvolve estrutura regulatória				
19 – Estabelese Ministériu foun				





ELEMENTU SIRA BA IMPLEMENTASAUN HO SUSESU



Susesu Timor Dijital 2032 nian sei depende ba fatór fundamentál oin-oin: mantein vontade polítika, estabelese koordinasaun seniór ida, mantein ligasaun ida besik ba sociedade sivil, iha kapasidade adaptasaun no aliñamentu, adopta mekanizmu koordinasaun ne'ebé adekuadu, iha planu implementasaun klaru no dezenvolve kompetênsia iha teknolojia dijitál no iha TIK sira. Fatór sira ne'e sei asegura implementasaun ida ne'ebé hala'o ho susesu no planu estratéjiku ne'e mantein nafatin no útil, hodi hatán ba nesesidade Governu no sidadaun sira nian no hodi permite ema hotu atu aumenta valór.



Vontade no koordenasaun polítika

Importante atu garante katak Timor Dijitál 2032 kontinua sai nu’udar prioridade ba Governu tomak no ba governu sira tuir mai. Ba ida-ne’e, objetivu sira husi planu estratéjiku ne’e tenke hatama iha Planu Dezenvolvimentu Estratéjiku Nasionál, no importante katak Komisaun Ezekutiva ba dezenvolvimentu dijitál no TIK nian sei halibur hamutuk nafatin no ninia membru sira sei hela iha nivel aas liu.

Envolvimentu husi Sosiedade Sivíl no Setor Privadu

Atu garante katak dezenvolve governu dijitál ida ne’ebé haree liu ba sidadaun sira, no sosiedade iha ferramenta no kompeténsia sira atu bele uza benefísiu husi teknolojia dijitál sira no bele kria no aumenta valór, importante atu servisu hamutuk ho sosiedade sivíl no setór privadu iha nivel hotu-hotu, hahú husi nível estratéjiku to’o nível esperimentasaun no dezeñu interface nian.

Aliñamentu adaptativu ho prioridade sira husi Governu

Planu estratéjiku Timor Dijitál 2032 estabese pilar dijitál estratéjiku sira uluk nian atu insentiva utilizaun teknolojia dijitál no TIK nian hahú iha área hirak ne’ebé iha impaktu boot. Maibé, importante tebes atu haboot tan planu estratéjiku ba pilár adisionál sira no dezenvolve estratéjia sira ne’ebé haree liu atu mantein armonia ho prioridade sira dezenvolvimentu Governu nian. Importante mós atu revee no publika Timor Dijitál 2032 tinan-tinan.

Grupu sira husi traballu, esperimentasaun, aselersaun no inovasaun

Kria grupu sira iha nivel servisu nian atu konsentra iha prestasaun servisu sira no hadi’a BackOffice, ho partisipasaun husi sosiedade sivíl.

Kompeténsia sira

Garante katak, fô énfaze ba dezenvolvimentu kompeténsia sira ba desizor polítiku, tékniku TIK no sidadaun sira hotu atu bele dudu ba oin dezenvolvimentu dijitál Timor-Leste nian.

Planu implementasaun sira

Fundamental ba susesu, mak atu dezenvolve neineik planu implementasaun detalladu no roteiro sira ne’ebé foka liu ba rezultadu tanjivel no espesifika medida hirak ne’ebé presiza ba susesu husi objetivu no iniciativa sira.



REKOMENDASAUN SIRA NO HAKAT TUIR MAI

1. Atu estabelese no dezenvolve Komisaun Ezekutiva ba Dezenvolvimentu Dijitál no TIK nian sira, sei rekomena asaun hirak tuirmai ne'e:

I. Vizita ba país sira iha rejiaun, Pasífiku no ASEAN, no mós ba membru sira CPLP no nasaun sira seluk.

II. Sesaun videokonferénsia badak ho objetivu atu fahe esperiénsia no solusaun sira.

III. Organiza vizita espesialista sira nian ba Timor-Leste iha área oin-oin ho objetivu atu hala'o workshop sira ho durasaun badak ho membru komisaun nian sira no fó formasaun no hala'o workshop sira ne'ebé mak naruk liu ho Ekipa Konsultoria Dijitál TIC Timor nian, Ekipa Aselerasaun Dijitál nian husi ajénsia governu nian sira, Sosiedade Sivil no Setór Privadu.

2. Dezenvolve planu implementasaun ida ba Governu Dijitál no Governasaun Eletrónika, ne'ebé inklui:

I. Estudu no mapeamentu servisu hotu Governu Timor-Leste nian, Governu ba sidadaun sira, Governu ba setór privadu ka governu governu.

II. Identifikasaun ba servisu iha leten sira ne'ebé online.

III. Mapeamentu hosi sistema informátiku hotu-hotu ne'ebé Governu Timor-Leste uza, hanesan sistema governu nian ba sidadaun sira, governu ba setór privadu ka governu ba governu, ho ambitu tuir mai ne'e:

a) Identifika kazu utilizasaun sistema informátiku sira ne'ebé bele benefisia integrasaun husi IDU.

b) Avalia rekizitu sira hosi sistema sira ne'ebé identifika tiha ona atu nune'e sira bele opera hamutuk ho IDU no fo hanoin ba sira nia atualizasaun no substituisaun.

c) Avalia baze dados hotu, seguransa informátika, qualidade no fiabilidade ba dados sira iha rai laran.

d) Identifika sistema seidauk iha no presiza atu dezenvolve governu dijital ida no hadi'a funsionamentu ajénsia Governu nian.

IV. Identifika sistema seidauk iha no presiza atu dezenvolve governu dijital ida no hadi'a funsionamentu ajénsia Governu nian.

V. Planu ida ba dezenvolvimentu no implementasaun Balkaun Úniku iha Suku sira: Uma Dijital (One-Stop-Shops) ho rekursu teknolojia dijital no informasaun no komunikasaun nian.

VI. Planu ida atu dezenvolve portál úniku ida Governu nian ne'ebé bele serve atu agrega husi portál Governu nian sira seluk.

VII. Planu ida atu adopta no dezenvolve interface hamutuk ba aplikasaun governu nian hotu-hotu ne'ebé iha interface esternu ba governu.

VIII. lanu ida atu liga ba Administraun Públika tomak, eskola no lokal sira kona-ba prestasaun kuidadu saúde nian ba rede informátika governu TIK Timor nian.

3. Dezenvolve planu implementasaun ba teknolojia dijital sira no informasaun no komunikasaun nian ida hodi dezenvolve Ekonomia Dijital ida inkluziva.



4. Dezenvelope planu implementasaun ba teknolojia dijitál sira no informasaun no komunikasaun nian ida hodi dezenvelope setór Edukasaun nian.
5. Dezenvelope planu implementasaun ba teknolojia dijitál no informasaun no komunikasaun nian ida hodi dezenvelope setór Saúde nian.
6. Dezenvelope planu implementasaun ba teknolojia dijitál sira no informasaun no komunikasaun nian ida hodi dezenvelope setór Agrikultura nian.
7. Sujere ba Komisaun Ezekutiva atu dezenvelope ho progresivu estratéjia setoriál adisionál sira atu hodi promove teknolojia dijitál no TIK nian sira ho objetivu atu suporta no dezenvelope setór adisionál sira tuir prioridade sira governu nian.
8. Estabelese ekipa Assessoria Dijital ida ho hanoin atu tulun Ajénsia Governu nian sira iha transformasaun dijitál, liu-liu atu suporta ekipa aselersaun dijitál.
9. Estabelese iha ministériu no ajénsia governu nian hotu-hotu, ekipa aselersaun dijitál kompostu husi funsióariu públiku sira ne'ebé iha ona iha estrutura, atu aproveita teknolojia dijitál sira no informasaun no komunikasaun nian hodi hadi'a servisu sira.
10. Rekomenda ba TIC Timor atu servisu iha dezvoltimentu ba planu hotu-hotu iha parseria ho ajénsia governu nian sira, ekipa aselersaun dijitál, setór privadu no sosiedade sivil, no envolve ema hotu iha Sentru Aselersaun no Dezenvolvimentu kompeténsia Dijital iha programa formasaun, kolókiu no inisiativa sira seluk.
11. Sentru ba Aselersaun no Dezenvolvimentu kompeténsia Dijital sira tenke sai hanesan fatin ida ba dezeńu solusaun sira no planu implementasaun nian iha parseria ho ajénsia governu nian sira, setór privadu no sosiedade sivil.
12. Governu tenke estabelese no dezenvelope parseria sira ba formasaun, kolókiu, troka esperiénsia ho nasaun sira seluk, envolve no kolabora ho parseiru dezvoltimentu sira, setór privadu no sosiedade sivil.
13. Dezenvelope planu ida kona-ba sentralizasaun progresiva no kompleta TIK Governu nian iha Institutu Públiku TIC Timor.
14. Dezenvelope no hato'o proposta husi política, instrumentu no mekanizmu sira husi koordinasaun aprovisionamentu no orsamentu ba investimentu no despeza hotu-hotu governu nian iha área teknolojia dijitál no iha TIK.
15. Dezenvelope portál ida ne'ebé sentraliza ba Governu Timor-Leste.
16. Dezenvelope planu nasional ida ba dezvoltimentu kompeténsia dijitál sira no TIK nian.
17. Dezenvelope planu ida atu atrai investimentu ba área teknolojia dijitál sira, TIK no Telekomunikasaun.
18. Dezenvelope planu ida atu hadi'a rede nasional banda larga nian no investe hodi hadi'a qualidade no kustu ligasaun ba internet.





Governasaun

Ekonomia
Inkluziva


Agrikultura

Saúde

Protesaun Dadus
no Privasidade

Interoperabilidade

Edukasaun



Lejislasaun no
Polítika sira

Partisipasaun

Komisaun
Ezekutiva ba
dezenvolviment
u dijitál no TIK

Lejislasaun no
Polítika sira

Inkluzsaun no
Aksesibilidade

Kompeténsia
dijital no TIK
sira

Infraestrutura
TIK

Besik no Folin
ne'ebé bele selu

Timor
Dijital
2032